



UNIVERSITÄTS-
BIBLIOTHEK
PADERBORN


Sacrarvm Antiqvitatvm Monvmenta

Hillesheim, Ludwig

Antverpiæ, 1577

Abel.

[urn:nbn:de:hbz:466:1-68887](#)



Genes. 4.

Alter a progenies mundi nascentis ab ortu,
Sortior innocua munera mentis Abel.

Nascitur

*Nascitur ante Cain, miseræ spes irrita matri:
 Ah dolor, ah nostræ quanta ruina domus!*
*Ipsa recens tellus primeuo nuper ab ortu,
 Et culturae expers, & sine fruge fuit.*
*Hanc frater versare manu, proscindere aratro
 Cœpit, & exculti munera ferre soli.*
*Ast ego pastor oues sectatus, & infima rerum
 Innocua cœpi simplicitate frui.*
*Tempus erat sacrum superis cùm quisque paramus
 Munius, adorando ponitur ara Deo.*
*Obtulit ut poterat terra de fruge recentis
 Frater, & offensum senserat esse Deum.*
*Ast ego sancta Deo supplex per vota rogato,
 De grege primitias munera lecta tuli.*
*Fallor, an æthereo pietas spectata parenti est?
 Gratiar atque illi victima nostra fuit.*
*Inuidus infremuit, nostróq; immanibus ausis
 Sanguine, fraternalis polluit ille manus.*
*Ergo mihi innocuos mores vitamq; secuto
 Addita lex culpæ prima ferenda fuit?*
*Scilicet ob lapsum quæ cunctos pæna maneret,
 Hæc lethi species inspicienda datur.*
*Et mundo promissa salus, Christo auspice, nostræ
 Mortis ab exemplo nobilitanda fuit.*
*Atque simul vera signatur imagine, iustis
 Essent pro sancta que patienda fide.*
*In terris spargunt tristes sua semina iusti;
 Gaudia sed cælo, diuite messe, metunt.*

Mors Abelis
 fuit in homi-
 num genere
 prima.